



ル 5
3150
7



門 儿 5  
號 3150  
卷 7

黔南識略卷八

都勻府

貴州巡撫長白愛必達撰

都勻府在省城東南二百四十里禹貢荆梁二州南境唐以前不通中國晉天福間有都雲酋長尹懷昌率其屬十二部附於馬希範元置都雲軍民府領都雲縣隸思明路明洪武十九年置都勻安撫司隸四川布政司二十三年平羌將軍何福奏改安撫司爲衛都雲爲都勻永樂十年改屬貴州都司宏治六年於衛城復置都勻府以衛屬長官司隸之八年改麻

黑江言田名  
哈長官司爲麻哈州獨山長官司爲獨山州清平長  
官司爲清平縣隸於府

國朝康熙十一年改都勻衛爲縣以附郭雍正八年開  
八寨都江丹江各新疆設丞倅分駐亦隸於府十年  
以廣西慶遠府之荔波縣來屬領廳三州二縣三轄  
於貴東道設知府教授訓導經歷各一員其境東至  
黎平府屬古州界二百里西至貴陽府屬貴定縣界  
一百二十里南至廣西南丹土州界三百五十里北  
至平越直隸州界一百里東南至古州界二百五十  
里西南至貴陽府屬定番州界一百八十里東北至

鎮遠府屬台拱廳界九十里西北至平越直隸州界  
一百七十里廣二百二十里袤四百五十里府治之  
北五十里爲麻哈州東北一百一十里爲清平縣南  
之西一百二十里爲獨山州由獨山州之南折而東  
去府治西南二百里爲荔波縣至於新闢三廳府治  
東九十里爲八寨由八寨東南去府二百四十里爲  
都江由八寨東北去府一百六十里爲丹江城周五  
里九分有奇計一千零七十二丈建於前明洪武二  
十七年

國朝順治間改修始甃以石門四城以東係懸巖向於

嶺上建鐘鼓樓爲城之鎮山最高者曰龍山在府西  
二里與城內東山對峙高萬仞逶迤若龍俯瞰劍河  
西爲小團坡又西爲觀音坐山又西里許爲筭山卽  
龍山麓也凱陽山在城西平浪司周十餘里高四十  
丈有砦在其上卽凱口壘也四壁陡絕一徑僅尺許  
盤旋而登上有天池雖早不竭閭與邦黔苗叛服始  
末考明嘉靖十五年都勻部苗王阿向據凱口壘稱  
亂巡撫陳克宅調土漢兵三萬集壘下壘故絕險賊  
復於要害設弩樓壘石防守攻三月不克乃先招降  
附近四十九寨賊稍離散令土官安萬銓購壯士乘

夜雷雨以鐵鈎縛手足若指爪然攀厓援木以上然  
後用軟梯鈎繩使衆軍魚貫躡之萬銓兵自山後馳  
下開壘門遂斬阿向先是阿向世襲土官爲平浪王  
仲武先人承襲阿向與王仲武爭印攻殺凱口旣平  
克宅盡逐苗黨以地屬都勻府改壘曰滅苗鎮仲武  
因諸夷失業陰遣人招復旋科索之諸苗怨望私推  
阿向餘孽王聰王祐朱鬼等爲主攻據前壘執參政  
李宗祐等十六年都御史汪珊仍調土漢官兵三萬  
集壘下萬銓親執花鎗拒賊賊敗走渡河遂破其壘  
夢遇山在城北一里爲張三丰觀瀾處碑識猶存七

星山在城北七里拱列如七星又城北有石壁鑄仁  
智之情動靜之理棲此盤谷飲此泉水十六字爲明  
張翀遣戍時誅茅讀書處題此以自慰也都江清江  
俱源出於府境都江源出府西二十里之邦水司羊  
魚寨又曰板河曰邦水河亦曰黑神河在都勻者統  
曰都江亦曰都勻河至獨山曰獨山江至古州曰古  
州江入廣西境爲龍江又名柳江又名潯江至粵東  
入海按都江卽古之豚水又曰遯水水經注云豚水  
東北流逕牂柯且蘭縣謂之牂柯水漢武帝時唐蒙  
請發精兵下牂柯同會番禺是也今黔中諸水入粵

者三盤濛二水雖入粵不通舟楫惟都江自獨山之  
三脚壘浮舟直達粵東水盛可兩旬至唐蒙所謂出  
越之不意以制越者當由此黔書以入楚之烏江爲  
牂柯明鄭文又以不通舟楫之盤江爲牂柯迄無定  
論後人又泥於且蘭故地爲今遵義湄潭遂以牂柯  
江仍屬烏江不知黔中久淪荒徼漢所稱夜郎牂柯  
且蘭等地皆寥闊方數千里非可執今之一郡一縣  
而論也以今之水證以漢書發兵下江同會番禺之  
說則都江爲古牂柯江舍此則無可以會於番禺者  
矣其府屬諸水來會於都江者發源處爲邦水河右

黔陽縣志卷六  
四  
合馬場水又右合爛土司之南涇水流逕東北有唐懷寨之木魚河合焉至爛土司北折而東流有南來之巴開河合焉過來牛營有北來之風柳溝小溪水又荔波縣東南有北來之勞材江水又廣西南丹州有來注之青雲溪水又丹江西南有南來之高坡河水又南丹州西南有東南苗溪浪溪諸水及北來之紅盆水又東南流有北來之嘯山水俱合於都江者也清江在都勻縣境俗名長河又名劍河亦曰馬尾河在八寨廳境名雞賈河在麻哈州境名平定河在清平縣境名凱里河入清江廳界始名清江至湖南

黔陽縣始有沅水之名源出於府城東北諸山澗中遶城西南合流逕府屬鎮遠黎平諸府界出黔陽舊陷苗境舟楫不通雍正七年總督鄂爾泰巡撫張廣泗題請開濬自城起至黔陽縣總一千二十餘里水道提綱亦知清水江爲沅水上源而不能確指其源出都勻又混入平越之諸梁江以爲亦沅水之上源不知其特支流入沅水者耳今水經又混無沅二水爲一水道考以爲卽重安江不知亦支流入沅非卽沅水也其都勻各屬諸水之流合清江者豐甯司水自都勻府界流入長河又受丹江城南發源九擺寨

山中東北逕鳳臺諸寨之九股河又受丹江城北發源城東烏堯寨之烏堯河又龍潭河在都勻府西北山東南流至府北有一水自北山來一水自東北來一水自東南來並會南流逕府城西折東南流入馬尾河馬尾河經府西南境折東南流有一水自西南經大河鋪來會爲麥衝河又平州司之平州河丹行司之藤茶河皆入清河又諸梁江在平越城南東流有麻哈江西南自州來會卡龍河亦合諸梁江由丹江城西合諸山之水以成江下流入牛皮箐之小江與城東之防里河皆入清江此則各屬諸水之合於

清江者也府北二十里有靖盜關又五里爲平定關又有屏山關在府西四十里路通貴定縣屬之平伐者也府屬親轄地方土司八曰都勻正副司曰邦水曰丹平曰丹行曰平州曰平浪曰天壩康熙雍正年間裁丹行丹平平州平浪長官司而於平洲設土把總一員平浪設土舍一員改丹平爲六硎設土舍一員以丹行司地設牙州汛與凱口崖埋巴榔四處爲四牌各設鄉約管束而裁天壩一司屬於八寨今都勻正司所管之地在府治南七十里與獨山州之獨山司連界爲吳家司管四十九寨副司所管之地在

府治東南九十五里與獨山州之普安司及八寨之  
得祿塘交界爲王家司管一百零五寨邦水司在府  
城西十五里管五十七寨其該管之擺忙寨與貴定  
縣屬之甕順河接界惟平州六洞兩司去府治最遠  
由府城西南行至平浪司折而南爲平州司距府一  
百二十里離平州三十里爲六洞司兩司所管悉係  
狝苗其界南距廣西南丹土州十餘里西接定番之  
大塘藤茶河東接獨山之豐甯下司計平州所管九  
十六寨平浪一司西界貴定縣屬之大小平伐營一  
百一十三寨去府城六十里自雍正六年改設土舍

後歷由地方官給委管理並未聲明承襲府治苗多  
漢少漢人勤於耕讀苗民於務農紡織之外亦間有  
讀書應試者學額十八名建有南皋書院前明萬歷  
間置爲鄒元標講學之地其四鄉村寨跬步皆山溪  
流縈繞田頗膏腴俗以種計畝約四升種爲一畝現  
在成熟田一萬八千九十五畝六分六厘每歲額徵  
秋糧七百六十六石三斗五升有奇耗米一百一十  
四石九斗五升有奇額徵米二千二百零六石又額  
徵地丁正銀三千二百六十五兩二錢有奇耗銀四  
百八十九兩七錢有奇除改徵米外實徵正耗銀二



黔南諸縣志卷之六  
千二百一十一兩零府倉貯穀二萬九千四百五十六石有奇社倉三處一設王家司貯穀五百七十八石零九升一設平浪司貯穀四百五十五石七斗五升一設凱口貯穀七百四十六石六斗四升九合兵糧於秋米內撥運都江一千一百九十二石一斗清江一千二百三十五石牙州汎一百九十八石八斗都勻協存城兵米一百八十六石四斗零每年不敷撥運之數赴司領銀採買米五百五十二石六斗一升以四百八十石五斗輓運古州其餘七十二石一斗一升補運都江場市十一土產以勻鴨勻橘著名樹

宜杉楠桐梓府轄之地素號苗疆而牙州凱口兩汎爲四面咽喉苗巢腹心之地尤屬險要兩汎設二十塘城中駐劄都勻協副將一員都司一員千總一員把總一員委外三員額外三員分防牙州汎把總一員凱口汎外委一員分防八寨汎遊擊一員千總一員把總一員外委一員九門汎千總一員得祿汎把總一員分防獨山汎守備一員把總一員巴開汎把總一員下司汎把總一員三捧雞場二汎外委各一員分防麻哈汎千總一員谷洞汎外委一員卡烏汎外委一員統計汎地一十三處設七十二塘在城及

黔西雜記卷六  
分防各汛兵丁共一千三百十名苗有天家狝  
狝黑苗白苗白狝鴨崽與荔波之狝狝狝狝狝各  
種其類非一苗人服色男效漢粧女則椎髻短裙露  
胸跣足長簪大環項圈錦袖粧束大略相同惟黑苗  
衣裙尙黑狝狝男婦衣服悉類漢人異於天家婦性  
勤於男耕作之暇卽務紡織祀先拜跪頗染華風惟  
狝狝狝家黑苗愚而狡悍往往逞凶爭鬪不能如天  
家之柔順耳

論曰黔中郡縣遍設書院惟省之貴山與都勻之南  
皋稱最著幾與白鹿鷺湖等非以王鄒二賢故耶王  
陽明龍場教條以立志爲初基鄒爾瞻之講學也亦  
以此二字爲先務蓋二人一生得力之處俱在於是  
故言之合符節也陽明日與獠夷雜居屈伸榮辱畧  
無所撓悍如安重榮但得其片紙書消疑貳不敢反  
側勝於十萬師孫應鰲李渭皆紹其學以昭來者  
也鄒爾瞻忤江陵戍都勻因張紳讀書堂故址棲身  
講學都勻人士觀感而化者實繁有徒陳給諫尙象  
尤爲傑出善守師訓者也如謂是邦鄙陋不可以章  
甫化則二公當日來黔時庸人皆以爲罪人耳何陶  
育成就一至於此然陽明能格頑苗之逆而不能格

劉瑾江彬之奸爾瞻能化化外諸生而不能化時相  
江陵之忌此又天之故以坎軻相勵也觀爾瞻還朝  
吏治民瘼一疏所以言黔之官民者至痛且切卒不  
能行此又見明時之因陋就簡有由然矣黔士幸生  
聖世鄉科增額至四十名會試者許馳驛所在書院義學  
官爲捐置嘉惠於士林者至深且厚夫是以蜚聲騰  
實焜燁於中外者與荆蜀競爽也然則王鄒二賢開  
來之力亦烏可少哉

黔南識略卷八終

黔南識略卷九

貴州巡撫長白愛必達撰

八寨同知

八寨同知在府治東七十五里省城東二百九十里  
明屬天壩土司後爲生苗盤踞

國朝雍正六年平定後設同知駐其地其境東至古州  
同知土地坳界一百二十里南至獨山州羊勇寨界  
二十五里西至本府苟柿寨界十二里北至麻哈州  
鐵富寨界四十里東南至都江廳奪弄寨界六十里  
西南至獨山州的刁寨界三十五里東北至丹江廳

排富寨界八十里西北至本府翁崩寨界十二里廣  
一百有五里袤一百八十里廳爲都勻要隘丹江清  
江古州之咽喉山谿險固扼塞重地雍正九年築土  
城于七塞寨因地勢陡窄乾隆十二年改建石城于  
龍里塘周三里三分有奇計六百丈得鹿山在城西  
十二里設有汎危峰峭峙與都勻獨山交恃爲要隘  
者也大小登高山在城西與鹿頭山連接峻墜層巒  
上下數十里爲郡治至廳城必由之路曲折逶迤橫  
空若磨旣至其巔仰視前途仍在烟雲之表逾此卽  
爲廳城雞賈河在城西四十里劍河之下流注于清

水江龍塘在城東北二十里寬可十畝深不可測舊  
傳產異魚能傷人龍井在城西十里水潔味甘四時  
不涸田畝東北稱饒沃西北多磽瘠雍正十三年勦  
撫之後以逆苗絕產丈給屯軍設衛千總一員以領  
之凡十<sub>一</sub>堡曰望城曰柔遠曰長清曰豐樂曰平夷  
曰興仁曰咸凝曰中孚曰石橋曰守望曰雙峰安軍  
八百一十戶每戶歲額徵米六斗加耗三合歲徵屯  
糧爲各堡總小旗工食及製備操演火藥鉛彈之用  
苗田永不徵賦廳倉原貯米三千六百石有奇衛倉  
米二千四百三十石于乾隆十九年正廳倉添貯共

足米七千二百四十六石三斗有奇衛倉仍貯米二千四百三十石現在廳衛兩倉共實貯米改穀一萬九千三百八十二石七斗有奇社倉分置各堡共貯穀三千八百四十七石有奇由衛弁掌管本處兵糧貴定縣原額運米一千二百五十石又領銀一千三百兩發給各寨買米接濟乾隆十四年以後貴定額運實米一千七百石又領銀採買屯糧餘租藥鉛等米六百二十九石二斗供支兵糧乾隆四十七年上江協增兵不敷月糧議于八寨得祿九門等汛養廉公冗虛兵內扣存米二百五十二石運至三腳塋交

都江廳接運供支嘉慶七年奉文抽撥赴石峴兵丁扣存米石每年加運米一百八十石自嘉慶七年九月起每年撥運都江廳備支上江協兵米四百三十二石場市三羊伍加河廠舊產水銀自乾隆十五年報課官爲解繳迄今硃老山空時採時絀無他稅課苗惟黑苗其俗與各處同無土司管轄原設通事十六名分頭二三四等有給土千把職銜者嘉慶六年奉文酌裁四等通事四名現在頭二三等通事十二名內頭等通事四名仍給土千把職銜通屬苗寨一百一十有四分上下兩排與都江古州丹江連界計

三十四寨近城一帶計七十二寨爲上排共六十一寨係排調司楊武司土把總管東接壤丹江麻哈五十三寨爲下排係壩司土千總永安司土把總管東城東八十里有烏獐野找二箐深險幽邃谿徑錯雜與丹江山苗接壤東北六十里有將軍竹溜等坡通丹江之黃茅嶺大路以得鹿汛爲關鍵小路則由平夷中孚堡可通丹江由咸凝堡可通麻哈清平谷洞諸處設二汛八塘十有一壘堡城中原額都勻協左營分防八寨汛遊擊一員千總一員把總一員外委二員于嘉慶七年裁撥外委一員赴廣順額兵四百

六十名內乾隆四十七年裁減公冗虛糧六十四名又嘉慶七年撥兵四十名赴石峴駐防現在外委兵丁三百五十五員名九門汛原設千總一員額兵一百名內乾隆四十七年裁撥公冗虛糧五名嘉慶七年撥兵十五名赴石峴駐防現在兵丁八十名得鹿汛設把總一員原額兵五十名乾隆四十七年裁減公冗虛糧四名現在兵四十六名八寨得鹿二汛兵設自雍正八年外委二員係九年增設九門汛兵設自雍正十三年八寨九門得鹿三汛自改營設協原係左營于乾隆二十九年改爲右營遊擊現在三汛

外委兵丁共四百八十一員名考八寨地方本徼外  
生蠻也明時宣慰楊輝平天壩干及灣溪卽安甯宣  
撫司成化十四年陳蒙爛土長官司張鏞奏禾壩干  
賊首齋果侵掠請于所侵大陳大步等寨設一司隸  
安甯宣撫

國朝康熙十二年羣苗殺天壩土司天應祿于是流土  
俱不受制抄暴日甚雍正五年總督鄂爾泰議開古  
州明年春檄貴州按察使張廣泗赴滇授以方略謂  
八寨地旣扼要之官繫苗又梗化之渠魁欲靖苗疆  
宜從八寨始廣泗以五月率兵進勦苗素未經大敵

官兵至卽相率請降七月廣泗移兵開丹江而已附  
之苗爲丹江苗煽誘復叛會廣泗巡撫貴州總督飭  
以八寨與丹江聲勢相倚而丹江在內八寨在外非  
大創八寨使其帖服恐苗情反復欲進丹江輒爲所  
阻不然而我兵已入丹江兩地逆苗更番擾我益滋  
掣肘廣泗乃先勦附賊三十餘寨時丹江苗來助逆  
者甚衆廣泗偵知之預爲伏兵以待賊果蜂擁而至  
伏兵發賊潰遂焚破數十寨遠近震聳廣泗諭首惡  
不赦外餘皆就撫時十月五日也凡五閱月而八寨  
始平

丹江通判

丹江通判在府治東二百二十里省城東南三百四十里明以前皆化外生苗

國朝雍正六年十月八寨既平巡撫張廣泗以十一月率兵進勦十二月討平之七年平餘黨設通判駐其地其境東至鎮遠府台拱同知交密寨界八十里西至八寨同知老東寨界七十五里南至八寨同知烏羅寨界一百三十里北至清平縣烏邪關界十八里東南至都江通判喬稜場界一百五十里西南至八寨同知岔河場界一百三十五里東北至台拱同知

排雜塘界一百里西北至八寨同知靖彝塘界八十里橫亘一百餘里廳處六廳之中最爲險僻控臨捍禦屹爲巖疆雍正九年建設土城十一年改建石城周三里四分計六百二十五丈高一丈四尺門四九門山在城西南山勢盤旋內有九洞衙門山在城西羣峰屏列一水環之牛皮箐在城東南自廳屬南亘古州八寨都江地界迤邐數百餘里復嶂縈紆深林蒙密霧雨陰翳蛇虎交行從古人迹未至雍正十三年經略張廣泗率兵會勦逆苗竄匿者全搜獲向有徑路暗通各境乾隆四十二年封禁雞花山在城南



黃茅嶺在城東北雍正六年副將蘇大有攻黃茅嶺  
苗伏莽中刺傷左股血透衣履猶揮刃殺賊及大勝  
回營方解衣示眾曰頃實負創言之恐亂軍心苗人  
畏其威名目為蘇大刀每臨陣見其旗幟則奔潰丹  
江在城西發源城南高坡上有泉名大塘溢而下流  
合諸山之水成江下流合台拱之小江入于清江沿  
江苗人有大丹江小丹江之稱實只一江也雍正六  
年苗人桃繞等四十餘寨據大丹江烏疊等二十餘  
寨據小丹江雞講十餘寨切近九股與大小丹江相  
旬結巡撫張廣泗以八寨既平率兵進取丹江相度

形勢以烏邪為大小丹江要隘抱得亦大丹江出沒  
之區烏騷則延屬雞講又囊猛者大丹江縮藪處也  
旬日之間次第平定防里河在城東發源城東防里  
寨山中西經桃繞寨入丹江九股河在城東發源九  
擺羅山中東北經鳳黨諸寨入清江烏堯河在城北  
發源城東烏堯寨山中流經烏邪關入清江高坡河  
在城南發源城西南囊路寨山中經喬港攢坡諸寨  
南入都江學校未設附府考試田畝無甚肥瘠大率  
畏旱丹江衛屯堡十二曰連城曰震威曰南屏曰治  
安曰肇泰曰長豐曰永定曰望撫曰撫遠曰綏甯曰

黑南諸田卷九  
北鍵曰培墉安屯軍八百三十戶衛千總一員領之  
屯軍每戶額米六斗不加耗苗民止種山坡溝澗畸  
零之田永不徵賦廳倉實貯穀一萬六千九百四石  
有奇丹江衛分貯穀四千九百八十石凱里衛分貯  
穀六千二百一十六石社倉分設各堡丹江衛社穀  
三千四百六十石零凱里衛社穀四千三百八十石  
零各堡戶總小旗自行經營兵糧前係採買屯米及  
平越府縣輓運供支至乾隆三十七年裁存實兵八  
百一名改赴糧庫請領採買屯軍苗民餘米二千一  
百八十一石供支其歲屯糧爲各堡百戶總小旗工

食及修整器械之用地僻人稀產米僅敷民食苗民  
貧富俱食糯米市斗準倉斗二斗四升場市一以辰  
爲期樹多松杉無銅鉛礦廠亦無稅課苗惟黑苗一  
種性本頑悍今漸馴良略通漢語其俗與各處同設  
土千總三名皆循分供役通屬苗寨一百三十有奇  
計五千三百餘戶重山疊嶂苗穴四通雞溝黃茅嶺  
烏耶關等處尤爲扼要設六汛十一塘城中駐劄丹  
江營參將一員守備一員千總二員把總六員于嘉  
慶三年裁汰二員外委三員兵三百一十名分防  
雞溝汛守備一員千總一員把總一員兵一百九十

名頂冠汎外委一員兵二十名空稗汎外委一員兵二十名黃茅汎千總一員兵七十名烏疊汎把總一員外委一員兵八十名松林汎外委一員兵二十名其原設廳標把總一員已經裁汰無驛遞渡口由松林出凱里爲入郡晉省大道別有一徑通牛皮箐最爲險峻

都江通判

都江通判在府治東南二百四十里省城東四百四十里明以前爲化外生苗

國朝雍正九年平定後設通判駐其地其境東至黎平

府古州同知平宇塘界四十里西至獨山州打略汎界四十里南至荔波縣小河塘界七十五里北至獨山州三腳堍平甲寨界三十里東南至古州同知高排寨界五十里西南至荔波縣河西界一百一十里東北至丹江通判烏疊界一百六十里西北至八寨同知排毛寨界八十里廣七十里袤一百八十餘里城周三里七分營以石門五雍正十一年建黔地環處皆苗上下江尤爲盤踞巢窟出則剽掠爲患目關都江丹江八寨設官鎮撫向之阻深闇昧咸洞耀光明矣城西爲柳疊山廳最要地也奇峰拔起今置汎

其以上以資控禦其水曰都江發源于都勻府西二十里之邦水司經獨山州舊爛土司山中逕三腳壘南行百餘里至廳城之西又南經來牛定旦諸寨由右州入廣西新關之區俗陋民淳向化日久婚喪漸易夷風稼穡之外無他生理學社雖設讀書應試者亦尙無多田無畝段科則苗民自耕自食永爲世業廳倉實貯穀二萬四千九百一十石有奇兵糧向係都勻府縣及獨山州撥運米四千二百五十二石自裁撥營兵以後現在每年撥運兵米三千六百九十五石場市二以午未爲期樹多雜木近年有司勸植桐

杉果樹頗有成效無銅鉛礦廠亦無稅課苗有山苗狄家二種其吹笙跳月喫牯臟諸陋習與黑苗無異設通事二名皆土千總職銜聽流官調遣通屬苗寨一百有六無漢莊設二汛十一塘城中駐劄上江協副將一員都司一員守備一員千總一員把總五員額兵七百十名又廳標把總一員兵四十三名分防打略汛守備一員于嘉慶三年裁撥永安現設把總一員兵九十名隴寨汛兵四十二名無驛遞有拉攬柳疊岔河三渡口設有渡船上至省城下至右州爲通衢姚坪一路可通荔波爲僻徑

黔南識略卷九終

